

時逸人編

中國急性傳染病學
上卷

中醫改進研究會印行

印付 中華民國二十六年六月

版出 中華民國二十六年九月

(卷上) 學病染毒特急國中

※ 元 壹 洋 大 價 定 ※ 冊 一 全 ※

總發行所

山西省城精營新中民正街

中醫改進研究會

分發行所

各省市中醫團體

各省市各大書坊

上海
三馬路
三平街
千頃堂書局

編訂者 時逸人

海升庵劉寶齋
張子仁趙圖南
張子張仁趙圖南
張子張仁趙圖南

審查者

中山鄧子厚
萬泉張文元
杭縣沈仲圭

校閱者

出版者 中醫改進研究會

中醫改進研究會

太原中原中山圖書社



南京中医药大学图书馆版权所有

急險傳染病學趙序

天方薦瘥。瘡痍滿目。兵氛頻歲。灾癘流行。此救世活人者。所以有良相良醫之願也。吾鄉時君逸人。銳志醫學。於古今醫籍。無不究心。於本經藥品。無不試口。洵近今醫界有志整頓學術之人也。晉省勅設中醫改進研究會時。不佞濫竽垂十載。嗣以他事赴平。而時君應聘適來。於今五年矣。診治所活。不可勝數。其著作有病理學、診斷學、處方學、藥物學、諸編。早已膾炙人口。惟最切用最精覈者。爲中國時令病學。舉從古迄今。論寒溫病諸書。一切廓清。別開生面。發前人所未發。繼又撰著急性傳染病學。以補時令病學所不足。夫時令病。外因也。傳染病。亦外因也。特分急與不急耳。急則危險。命在頃臾。故特著專書。以示區別。若痧、若疫、若痢、若痘、若霍亂、若喉痧。古今醫家。羣書林立。非各持一說。卽勦襲雷同。使人靡所適從。近今中西醫家。對於防疫治療。亦頗盡心。特中西各自爲

中國傳染病學

政。而此等病多發生於僻壤窮鄉。西醫西藥所不能徧及之處。然則是編較之時令病學。尤爲切要者矣。其論病理病因。參合中西。至精至當。其方劑體例。與時令病學稍異者。時令病。雖非急症。而變化多端。故論證特詳。而各方一律附後。以備審證施治。此則勢急。而各症不同。傳變亦異。故於各症之後。分列各方。雖不外昔賢成方。而因時制宜。神明變化。亦煞費苦心焉。例如藿香正氣丸。寓人不知。無處不有。而原方中焦尤必增中滿。甘草與蜜。必增嘔吐。改良盡善。寓於無形。如此之類。尤爲先得我心。此編與時令病學。如驂之靳。使家置一編。雖不諳醫學之人。按圖而索。亦如暗室明燈。迷津寶筏。功德誠无量哉。今人日言民生。日言解除民生疾苦。所冀於此兩編。加之意焉。（再者急性二字。中國有此語。而從未聞名諸病。誠以性者。人之生性也。東西醫不講求字義。遂有急性慢性之名。今既冠以中國。似可不假西名。若易爲急險傳染病。尤易使人怵目。

驚心愚瞽之見。願質高明。）

癸酉歲處暑節。淞南弟趙意空。謹叙於太原僑寓。

周序

傳染病。在吾國古書通稱疫毒。蓋疫爲天地間一種戾氣。熏蒸成毒。毒必有菌。菌毒吸自口鼻。由氣管達於血管。將氣血凝結。壅於淋巴腺上口總匯管之津門。津鬱成痰。阻滯氣機。內陷心包。淤塞血脉。以致氣機痺塞。血凝不流。其病最急。其死甚速。故名急性傳染。緩者邪伏膜原。漸次傳變。其病狀與傷寒溫熱諸感症。似同而實異。治此病者。亟宜透解血毒。行散血瘀。使疫毒由血分轉出氣分。再用清宣氣熱。俾疫氣毒菌。盡從氣分化解。此余讀書十年。臨証十年。由經驗實際上所得之治法。差堪自信告人者。吾友

中國傳染病學

時逸人先生江左名士博學多聞尤邃醫學十數年來所見各省醫學報載其著述已屬不鮮而專書單本行世者不下數十種尤以今秋所著中國時令病學一書詳述春溫風溫溫病暑溫伏暑濕溫秋燥冬溫傷寒之新感與伏氣并說明原因病理証候診斷治法各附記先哲之名言至理推闡備盡可爲醫校之取材初學之範本而乃孜孜未已本其學識經驗之饒裕苦心孤詣作進一步之研究著中國傳染病學是書包括西醫實質之考察表彰中醫經驗之專長凡一切急性傳染病症無不詳剖細列與時令病學有相各發明相互印証而無舐觸雷同之患誠爲時疫傳染病中開一新紀元有裨後學不淺吾知是書出版紙貴洛陽未爲奢譽足供中央國醫館統一全國教材之採擇爲天下後世法可預必焉愧不能文景仰之餘忘其謏陋謹濡筆以爲之序。

民國二十年十二月教弟周禹錫拜序。

沈序

急性傳染病。世俗所稱爲時疫者是。蓋病原微生物。客於人體。以壞其真。而致邪氣發病。惡氣所發。散而傳播。常之則災害生。故傳染病。其所挾以作亂者。皆病原微生物爾。

方其中傷人也。留連肉腠。毒素乃生。因而流入血液。環周全體。發爲寒熱。形以困薄。此固細菌毒素。危害造血藏器。若溶解赤血球。則外見貧血。更傷藏氣。於脾爲腫。甚則左脇下痛。靜順之變。爲腎障礙。以故小便中。恒含有蛋白質。其在猩紅熱。則害腎尤烈。輒易起一種腎炎。此爲難治。若侵襲消化系。妨害消化。吸收、分配、排泄等作用。謂之營養障礙。

傷寒後。發狂麻痺。白喉後麻痺。皆神經官能。爲毒素所毀傷。是爲神經障礙。如破傷風毒。溯神經而上。狂犬病毒。專攻腦脊髓。蓋其較著焉者。抑傳染病患者。

中國傳染病學

設令檢察血液。其白血球數量。每形增多。或見減少者。若麻疹瘧疾傷寒敗血症等。則又常別論。

有感染病後。卽於傳染部分。發生炎症者。如癰丹毒癰疽及淋濁等是。鼠疫菌傳染。其傳染部分。初不起變化。必延入淋巴腺。始行腫脹。結核菌亦然。須至定所。乃呈明顯現象。淋病之人。尿道內淋菌。常趨附關節。而生淋毒性關節炎。此病菌隨血行轉徙。而分其勢於他部者。鏈球菌創傷傳染。多誘發敗血重症。蓋以其卽竄入血。則增殖奇速。瞬息瀰漫周身。如產後發高熱。卽坐此故。

大抵傳染病爲厲。其殘狠如是。然則扞拒之道。烏可不講。夷考方書。而論者蓋寡。或則擇焉不精。語焉不詳。豈醫者失其道。抑天將以嗇其術也。

時逸人先生。新撰中國急性傳染病學。研究受病之原。用藥之法。持此以禦病菌。蓋可以不惑。固可傳之作也。於是乎詳序。輒不知思悠然遠矣。歲在玄默涸

灘陽月。弟沈仲圭謹序於上海中國醫學院。

鄧序

疾病之感染易而蔓延廣。傷人速而死亡衆。未有如急性傳染者。如斯猛烈之疾病。欲求救治。必待良醫。人盡知之。惟是良醫不多見。卽或有之。亦不過治一時之病。救一方之人。焉得隨時而治之。隨地而救之耶。勢必求切於實用良書。古今醫書。汗牛充棟。其論傳染病者。雖屬不少。大概專論一種病證居多。而詳論各種傳染病者。實不多覩。今承逸人時先生授以近著之急性傳染病學一書。拜讀之下。擊掌而快然曰。斯書可謂應時代需要而產生者矣。方今輪軌交通。航空利便。因而斯病傳播之區域愈廣。感染之機會尤多。輕者淹纏期月。呻吟床榻。重者頃刻喪身。死亡載道。其禍之烈。甚於刀兵猛獸。耳聞目睹。慘何

鄧子厚先生序

八

忍言。幸得是書。應時而著。其中詳論傳染病證十餘種之多。處方數百首以上。臨症施治。頗切實用。起死回生。惟斯是賴。廣播遐邇。可以隨地救人。流傳永久。可以隨時治病。當茲中醫退化之際。是書出世。是足可挽狂瀾於既倒。作中流之砥柱。是先生以良醫作良書。立德立言。兩者兼備。其功豈亞於良相也哉。至若書中博採古今中外醫術。一爐共冶。以成科學化的中醫。則凡讀是書者。當能共見。不待仁之贅言也。欽佩之餘。因作是序。

民國二十二年四月 中山後學鄧曰仁子厚甫敬序

沈序

時師逸人先生。既著中國時令病學。風行海內。余受而讀之。凡四時六淫之爲病。條分縷析。推闡詳盡。堪爲整理國醫之先導。其裨益醫林。功非淺鮮。今繼以

中國急性傳染病之作。以明與時令病之區別。兩書合觀。則於四時病症之變化。可益其備矣。先生發揮學理。嘉惠醫林。其精神之偉大。爲何如哉。竊攷今之所謂傳染病。卽古之所謂疫也。其病之發生。沿家闔戶。以及鄰里而城市而村落。互相傳染。症狀相同。爲禍至速而至烈。迷信者歸之神權。庸昧者委之氣運。自細菌學明。神權氣運之談。不攻自破。於是防疫殺菌之說。深入人心。國人習西醫者。亦津津樂道。洋洋自得。以爲獨具之長技。攻擊國醫。甚囂塵上。嗚呼。么麼細菌。爲害人類。是固然矣。抑知茫茫塵宇。凡人類所在之地。細菌之散布於空間者。何處蔑有。何時無之。乃或隱或顯。有時猖獗而爲祟。有時平安而無害。則又何耶。毋亦細菌之發生。必有其所以發生之資。細菌之繁殖。必有其所以繁殖之由。細菌之爲祟。必有其所以爲祟之道。其發生也。繁殖也。爲祟也。必先有所憑藉。然後顯著。是則疫之病因。豈得謂爲細菌。常謂爲細菌所憑藉。而發

生而繁殖、而爲崇之物矣。其物維何。曰卽六淫是也。善哉吳漢仙曰。「六淫爲細菌之母。」其義可顛撲而不破矣。蓋細菌之發生也。必賴有特殊之氣候。以適合其榮養。細菌之傳播也。必乘人體氣之變化。乃便利其侵襲。細菌之侵入也。必因人抵抗之薄弱。乃得恣其猖獗。夫特殊之氣候。卽六淫之變化也。六淫爲風寒暑溼燥火之異常。其刺激人身也。往往能變動人身之體氣。以弱減其抵抗細菌之良能。其適於細菌之繁殖者。又往往不適於人體之康健。於是人體病而細菌肆虐矣。是故疫之成立。以六淫爲本。而細菌爲標。病於本而不病於標者。時令病也。旣病於本。而又病於標者。傳染病也。吾醫之治疫也。審視症候變遷之程度。衡量體質榮養之狀態。以爲汗吐下和溫清攻補之標準。不經硜於殺菌。而病亦瘳。彼注重殺菌者。幾視人體爲無機性物。如木石器械然。一若去其污。便可復其新焉者。究之人體自有其精微巧妙之變化。非若木石器

械之頑鈍不靈。故往往有不必死於細菌。而死於殺細菌之術者。嗚呼傷已。若夫防疫之法。消毒之術。吾醫略而不講。乃一大缺點。是專重氣化之弊。亦無庸諱言者也。今時師著書。原氣化而參以細菌。論細菌而不廢氣化。兩者並顧。相得益彰。抑且論症明確。治療切實。新舊學說。治爲一爐。祇抱濟世之心。不存門戶之見。發揮已長。不襲人短。際此狂瀾之汹涌。足爲中流之砥柱。寧止嘉惠後學已哉。爲國人習西醫者。亦知國粹之宜寶愛。學問之無止境。則得是書而研究之。亦足爲他山之助焉。企予望之矣。是爲序。

中華民國二十二年九月上浣受業沈仰慈敬序於滬上診所

張序

今日之談中國醫學者。其一、主張推翻固有、取泰東西之醫學而代之；其一、主

中國傳染病學

張保存國粹、發揚而光大之。由前之說，不啻流離失所之猶太人，所謂醫學的德謨克拉西（Democracy）已成殘廢病態，尙何有於完整之國家？且也，醫學固爲自然科學之一，泰東西之醫學，固築基於神聖的科學磐石之上；在吾國而言醫學，實亦舍科學的醫學而莫由；凡居摩登（Modern）世界，而具摩登思想與眼光者，所同然也。卽吾人於理論上，思潮上，與夫醫學本身上，亦未始不與贊同附議者。惟是，向此目標進行之際，使吾人瞻顧低回，剎那不能忘懷者，社會問題是也；經濟、產業、工業等之不景氣是也。易詞言之，國家經濟破產、社會事業凋敝之故耳。夫以如此象徵之社會，欲行泰東西之科學的醫學，豈易爲哉？其不陷醫學的德謨克拉西於病阱者，有斯理乎？說者謂近代自然科學之進步，實以資本主義之發達爲原動力；今也，談自然科學的醫學，而不知此之察，而忘却社會科學之社會問題，徒然效顰學步，妄期方軌並驅，可謂不

知自量矣。由後之說，徒言保存光大，不思創造發明，對於國際知識，罔所聞問；科學真諦，更復不解。行見其陳陳相因之論調，連篇累牘而未已；充其量，亦不過顯揚祖功，演繹過去之學說而已矣；其亦知夫吾人生當今日之世，果爾如此，卽足以抗衡世人以適其生存之道乎？向使果此以往，勢必自趨絕途而取滅亡。保存光大云乎哉！不甯唯是，醫學爲世界之公有物，絕無古今中外之界域。發揚光大，只可問其是非粹否，奚必以『國』字拘之？如必拘拘於此，無異桎梏心靈，茅塞意識，將何以廣見聞而應潮流乎？矧夫所保存者，未必皆『粹』，又何以遽談光大哉？

由是以觀，吾國之醫學問題，亦云複雜。然則果取何種途徑，以爲適當解決之手段？依時師之意見，以爲先從整理學說，編纂書籍爲入手；舉凡古今中外之學說，羅列對勘，棄瑕錄瑜，折中一是。不汲汲於新說之驟幾，不斤斤於陳腐之

膠鍋；斟酌現實，循序推進。務期不悖科學，切合實際而已。此時師對於吾國醫學一貫之主張也。時師本此主張，先後撰就病理學、診斷學、處方學、時令病學等多種。此次中國傳染病學之編纂，亦時師實行上述主張之一端。其內容，中外新舊兼收並蓄；而折中於一己之心得，與大多數學者之經驗，雅非生吞活剝、剽竊勦襲者可比。尤非憑空翻騰、妄生議論者，所可同日而語也。此固元所論知者。今值出版問世，用敢鄭重言之，爲讀者告。或疑標榜阿好，敢請大雅聞人，平靜閱之，實地用之，夫然後予以公正之批判，當不無同情之語耳。是爲序。

民國二十二年九月 受業張文元謹序

田序

業師時逸人先生。既著時令病學。復撰傳染病學。余幸得依門牆。獲先讀之快。

爰將書中特點，聊述一二，爲我愛讀本書者告。

歐風東漸，西醫輸入，國人群羨其器械之新穎，手術之靈妙，遂將我國固有之學說，一以弁髦視之。大有喧賓奪主之勢。而國學中是否盡爲不適，或果否缺某學說，則茫茫不知。因不知而妄斥。因妄斥而起爭角。此無益之舉。妄者之所爲也。傳染病之名詞，中國固無。傳染病之學說，古醫實有精密之理論。吾師精深探討，窮究古籍，觀書中「略史」一篇，源源有據，証明古醫確識傳染病之真諦，不在意氣上弄筆戰。惟在實行上去工作，謂之爲發揚國粹，誰曰不宜。此其一。

嘗讀楊栗山寒溫條辨溫病瘟疫之訛辨。「……只言溫病，未有所謂瘟疫也。後人省三加疔爲瘟，卽溫字也。省千加疔爲疫，卽役字也。……古文並無瘟字，疫字，皆後人之變易耳。不可因變異其文，遂以溫病瘟疫爲兩病。……」竊